

**ODLUKU****O POSTUPKU LIKVIDACIJE KOJI ĆE SE  
PRIMIJENITI PRI PRESTANKU RADA JAVNOG  
PREDUZEĆA RADIO-TELEVIZIJA BOSNE I  
HERCEGOVINE**

1. Postupak koji će se primijeniti pri likvidaciji Javnog preduzeća Radio-televizija Bosne i Hercegovine (RTV BiH) provešće se u skladu sa ovom odlukom. Na postupak likvidacije neće se primjenjivati zakoni u Bosni i Hercegovini kojim se uređuje prestanak rada preduzeća, privrednih društava i drugih pravnih lica. U izvršavanju likvidacije RTV BiH, likvidator primjenjuje, gdje to bude potrebno, opće pravne principe koji se odnose na prestanak rada preduzeća i to u onoj mjeri u kojoj su principi koji će se primijeniti zasnovani na jednakosti i pravednosti, te usklađeni sa međunarodnim pravnim standardima, ukoliko nije drugačije određeno u ovoj odluci.
2. U smislu ove odluke, pod likvidacijom se podrazumijevaju sve radnje koje su opravdano potrebne kako bi se okončalo poslovanje RTV BiH na metodičan način (i ukinulo pravno postojanje iste) uključujući prijenos sveukupne imovine, prava i obaveza RTV BiH na Javni radio-televizijski servis Bosne i Hercegovine (JS BiH) ili na Radio-televiziju Federacije Bosne i Hercegovine (RTV FBiH).
3. Funkciju likvidatora obavlja agent Visokog predstavnika za radio-televizijski sistem, gospodin John Shearer, ili njegov nasljednik. Likvidator može za obavljanje određenih stručnih poslova ovlastiti zaposlenike JS BiH ili RTV FBiH. U obavljanju poslova u okviru postupka likvidacije, likvidator će tijesno saradivati sa Izvršnom komisijom Osnivačkog odbora Javnog radio-televizijskog servisa Bosne i Hercegovine ili njegovog nasljednika.
4. Na osnovu ove odluke, likvidator će podnijeti ili naložiti podnošenje prijave za upis postupka likvidacije RTV BiH sudu koji bude nadležan.
5. U nazivu firme RTV BiH dodaju se riječi "U likvidaciji", tako da njen puni naziv glasi: "Javno preduzeće Radio-televizija Bosne i Hercegovine - U likvidaciji".
6. Danom početka postupka likvidacije prestaje funkcija svih upravnih tijela RTV BiH, osim u mjeri u kojoj je neophodno da se omogući likvidatoru da izvrši svoje dužnosti navedene u ovoj odluci, a njihove ovlasti prenose se na likvidatora.
7. Prijenos imovine i obaveza utvrdit će se na osnovu završnog računa RTV BiH od dana 30. novembra 2001. godine, koji će biti izrađen u skladu sa važećim propisima Federacije Bosne i Hercegovine.
8. U skladu sa odredbama prethodne dvije Odluke Visokog predstavnika o restrukturiranju Javnog radio-televizijskog sistema, uključujući bez ograničenja, član 3. Odluke od 30. jula 1999. godine ("Službeni glasnik BiH" broj 14/99) i čl. 2.1.5. i 3.3. Odluke od 23. oktobra 2000. godine ("Službeni glasnik BiH", broj 28/00), imovina, prava i obaveze RTV BiH se u toku postupka likvidacije prenose na JS BiH i RTV FBiH, zavisno od prenesene funkcije na koju se predmetna imovina, pravo ili obaveza odnose. Do donošenja konkretnih odluka od strane likvidatora o prijenosu, sve obaveze i potraživanja RTV BiH, u šta se ubrajaju, bez ograničenja, krediti, fiksni troškovi, investicije i tekuće održavanje i amortizacija, kao i troškovi postupka likvidacije, evidentirat će se i/odnosno prenijeti i realizirati u JS BiH.
9. U svim upravnim i sudskim postupcima u kojima RTV BiH učestvuje kao strana, od početka postupka likvidacije, svojstvo strane preuzimaju JS BiH ili RTV FBiH, na osnovu odluka likvidatora, prema kriterijima iz

tačke 8. ove odluke. O prijenosu svojstva strane u svakom konkretnom predmetu, likvidator će pismeno obavijestiti sud. Nakon prijenosa svojstva strane na JS BiH ili RTV FBiH, naknadne radnje ili odluke jedne strane neće obavezivati onu drugu.

10. Likvidator će sve poznate povjerioce i dužnike RTV BiH, na odgovarajući način, u roku od 30 dana od dana objavljivanja ove odluke u "Službenom glasniku Bosne i Hercegovine", obavijestiti o činjenici da je njihovo potraživanje odnosno obaveza preneseno (bez priznanja ili prihvatanja odgovornosti) na JS BiH ili RTV FBiH.
11. Likvidator je, također, dužan objaviti javni poziv svim povjeriocima RTV BiH da mu, u roku od 30 dana od dana javnog poziva, pismenim putem prijave svoja zakonita potraživanja. O prihvatanju ili odbijanju prijavljenog potraživanja, kao i o pravnom licu na koje su odgovarajuća potraživanja prenesena, likvidator će pojedinačno obavijestiti svakog povjerioca u roku od 30 dana od dana prijema podataka o ovim potraživanjima.
12. Potraživanja koja se ne prijave u roku navedenom u tački 10. ove odluke izmirit će se od strane pravnog lica na koje je prenesena imovina na koju se ta potraživanja odnose.
13. Likvidator će, u roku od šest mjeseci od dana objavljivanja ove odluke u "Službenom glasniku BiH", podnijeti Osnivačkom odboru JS BiH ili njegovom sljedbeniku izvještaj o postupku likvidacije RTV BiH.
14. Bez obzira na bilo kakve odredbe domaćih zakona ili zakona koji su u suprotnosti sa ovim zakonom, likvidator i njegov nasljednik će cijelo vrijeme uživati puni imunitet za sve postupke koji se vode pred bilo kojim sudom, a koji su u vezi sa aktivnostima koje on ili njegov nasljednik obavljaju ili sa mandatom koji mu je dat navedenom odlukom, kao i u toku obavljanja dužnosti u skladu sa svojim ovlastima pred bilo kojim sudom.
15. Ova odluka, koja je donesena u skladu sa međunarodnim mandatom koji je dat Visokom predstavniku, neće biti predmet sudskog spora pred bilo kojim sudom u Bosni i Hercegovini. Odluka stupa na snagu odmah i bez odlaganja se objavljuje u "Službenom glasniku BiH", "Službenim novinama Federacije BiH" i "Službenom glasniku Republike Srpske".

Broj 160/02

23. maja 2002. godine  
SarajevoVisoki predstavnik  
**Wolfgang Petritsch**, s. r.**PARLAMENTARNA SKUPŠTINA  
BOSNE I HERCEGOVINE****171**

Na osnovu člana IV. 4.a) Ustava Bosne i Hercegovine, Parlamentarna skupština Bosne i Hercegovine, na sjednici Doma naroda, održanoj 25. juna 2002. godine i na sjednici Predstavničkog doma, održanoj 3. jula 2002. godine, usvojila je

**ZAKON****O IZMJENAMA I DOPUNAMA ZAKONA O  
ADMINISTRATIVNIM TAKSAMAMA BOSNE I  
HERCEGOVINE**

Član 1.

U Zakon o administrativnim taksama Bosne i Hercegovine, objavljen u "Službenom glasniku BiH", broj 14/99, unose se izmjene i dopune dodavanjem novog člana 3.a) koji glasi:

"Član 3a.

Nadležno ministarstvo može, kada to bude smatralo potrebnim, a u svrhu podmirjenja troškova koji nastanu u radu ministarstva, pored taksi koje su već predviđene ovim zakonom utvrditi dodatne administrativne takse.

Nadležno ministarstvo može povećati i smanjiti administrativne takse koje su prethodno predviđene ovim zakonom.

Iznos takvih dodatnih odnosno izmijenjenih administrativnih taksi koje se mogu uvesti mora biti razuman.

Dodatne odnosno izmijenjene administrativne takse iz prethodnog stava uvode se odnosno mijenjaju podzakonskim aktima koje u propisanoj formi donosi dato nadležno ministarstvo."

#### Član 3.

Ovaj zakon stupa na snagu danom objavljivanja u "Službenom glasniku BiH".

PS BiH broj 63/02  
3. jula 2002. godine  
Sarajevo

Predsjedavajući Predstavničkog doma Parlamentarne skupštine BiH <b>Mariofil Ljubić, s. r.</b>	Predsjedavajući Doma naroda Parlamentarne skupštine BiH <b>dr. Nikola Špirić, s. r.</b>
--	--

172

Na osnovu člana IV. 4.a) Ustava Bosne i Hercegovine, Parlamentarna skupština Bosne i Hercegovine, na sjednici Predstavničkog doma, održanoj 20. juna 2002. godine, i na sjednici Doma naroda, održanoj 25. juna 2002. godine, usvojila je

## ZAKON

### O UPRAVNIM SPOROVIMA BOSNE I HERCEGOVINE

#### I - OSNOVNE ODREDBE

##### Član 1.

Radi ostvarivanja sudske zaštite prava građana, preduzeća, društava, ustanova i drugih pravnih lica u Bosni i Hercegovini, ovim zakonom utvrđuju se pravila upravnog spora u kojem se odlučuje o zakonitosti pojedinačnih i općih konačnih upravnih akata donesenih na osnovu zakona pri vršenju javnih funkcija institucija Bosne i Hercegovine kojim se rješava o pravima i obavezama građana i pravnih lica.

##### Član 2.

Pravo pokretanja upravnog spora ima:

- 1) građanin ili pravno lice ako je konačnim upravnim aktom povrijeđeno neko njegovo pravo ili neposredni lični interes zasnovan na zakonu;
- 2) ako je konačnim upravnim aktom povrijeđen zakon na štetu Bosne i Hercegovine ili je povrijeđen zakon u korist pravnog lica ili građanina, upravni spor može pokrenuti Pravobranilac Bosne i Hercegovine;
- 3) državni službenici ako je konačnim upravnim aktom povrijeđeno njihovo pravo iz radnog odnosa;
- 4) grupe koje zastupaju kolektivne interese (udruženja i fondacije, korporacije, sindikati) ako su konačnim upravnim aktom povrijeđena njihova prava ili kolektivni interesi koje zastupaju;
- 5) organ uprave, služba za upravu, poslovna jedinica preduzeća (društva), naselje ili grupa lica i sl., iako nemaju svojstvo pravnog lica, mogu pokrenuti upravni spor, ako mogu biti nosioci prava i obaveza o kojima se rješavalo u upravnom postupku;
- 6) u slučaju iz tačke 2. ovog stava svi organi uprave, službe za upravu i pravna lica dužni su o takvim aktima, kad za njih saznaju, obavijestiti nadležnog pravobranioca ili drugi zakonom ovlašteni organ.

Upravni spor može pokrenuti i ombudsmen za Bosnu i Hercegovinu, a i intervenirati u postupku koji je u toku kad u vršenju poslova iz svoje nadležnosti nađe da je konačnim

upravnim aktom povrijeđeno ljudsko dostojanstvo, prava i slobode građana zagarantovani Ustavom Bosne i Hercegovine i instrumentima navedenim u Aneksu I. Ustava Bosne i Hercegovine.

#### Član 3.

Presude suda Bosne i Hercegovine, donesene u upravnim sporovima, su konačne i obavezujuće u skladu s odredbama ovog zakona.

#### Član 4.

Institucije Bosne i Hercegovine, u smislu ovog zakona, su: ministarstva Bosne i Hercegovine i njihova tijela, javne agencije, javne korporacije, institucije Brčko Distrikta Bosne i Hercegovine i druge organizacije utvrđene zakonom države Bosne i Hercegovine koje vrše javna ovlaštenja, koja su Ustavom Bosne i Hercegovine određena u nadležnost Bosne i Hercegovine (u daljem tekstu: nadležna institucija).

### II - NADLEŽNOST

#### Član 5.

Upravne sporove rješava Upravno odjeljenje Suda Bosne i Hercegovine (u daljem tekstu: Sud).

#### Član 6.

Sud odlučuje po tužbama protiv konačnih upravnih akata institucija Bosne i Hercegovine iz člana 4. ovog zakona.

#### Član 7.

U upravnim sporovima Sud odlučuje u vijeću sastavljenom od trojice sudija, ako ovim zakonom nije drugačije određeno.

### III - UPRAVNI SPOR

#### Član 8.

Upravni spor može se voditi samo protiv konačnog upravnog akta.

Konačni upravni akt, u smislu ovog zakona, jeste akt kojim nadležna institucija iz člana 4. ovog zakona, rješava o izvjesnom pravu ili obavezi građanina ili pravnog lica u nekoj upravnoj stvari (u daljem tekstu: konačni upravni akt).

#### Član 9.

Upravni spor može se pokrenuti samo protiv konačnih upravnih akata koje su donijele institucije iz člana 4. ovog zakona.

Upravni spor može se pokrenuti i kada se radi o upravnoj šutnji institucije iz člana 4. ovog zakona (administrativna šutnja), pod uslovima predviđenim članom 21. ovog zakona.

#### Član 10.

Upravni spor ne može se voditi:

- 1) protiv konačnih upravnih akata donesenih u stvarima u kojima je sudska zaštita osigurana van upravnog spora;
- 2) protiv konačnih upravnih akata donesenih u stvarima o kojima se po izričitoj odredbi zakona ne može voditi upravni spor;
- 3) u stvarima o kojima neposredno na osnovu ustavnih ovlaštenja odlučuju Parlamentarna skupština Bosne i Hercegovine ili Predsjedništvo Bosne i Hercegovine.

U stvarima iz tačke 2. stava 1. ovog člana, može se voditi upravni spor kad je nadležna institucija pri donošenju konačnog upravnog akta prekoračila granice svoje nadležnosti.

#### Član 11.

Konačni upravni akt može se pobijati:

- 1) ako u aktu nije primijenjen ili je nepravilno primijenjen zakon Bosne i Hercegovine, odnosno propis zasnovan na zakonu ili opći akt, pri vršenju dužnosti nadležnih institucija;
- 2) ako je akt donijela nenadležna institucija Bosne i Hercegovine;